

七十二家集

謝宣城集卷之三

齊陳郡謝朓玄暉著

明閩漳張燮紹和纂

詩

侍宴華光殿曲水奉勅爲皇太子作

四言九章

勞求邃古逖聽鴻名大寶曰位得一爲貞朱梯  
叶祉綠字摘英升配同貫進讓殊聲

大橫將屬會昌已命國步申祖宸居膺慶璽劍  
先傳龜玉增映宗堯有緒復禹無競

禮行郊社人神受職實效山川鱗羽變色玄塞  
北靡丹徼南極浮羣駕風飛泳登陟

能官民秀利建天附朽鵠列野營絳分區論思  
帝則獻納宸樞麟趾方定鵬翼誰濡

西京藹藹東都濟濟秋祓濯流春禊浮醴初吉  
云獻上除方啓背駕陽纓今帳雲陛

嘉樂舊矣芳宴在斯載留神矚有睟天儀龍精  
已映威仰未移葉依黃鳥花落春池

高敞弘敞禁林稠密青磴啣起丹樓間出翠葆

隨風金戈動日惆悵清管徘徊輕滑  
潮澹入延河淇流昨海若來往觴有汭泝歡飫  
有終清光欲暮輕貂回首華組徐步  
登賢惻望獻賦清漳漢貳稱敏魏兩垂芳監撫  
有則七鬯無方瞻言守器永愧元良

三日侍華光殿曲水宴代人應詔

十章

羣分未辨類聚茲式天睠休明且求至德御繁  
實簡制動惟默官府百王衣裳萬國

中葉遭閔副內多違悠悠靈貺爰有適歸於昭

啓后撫運天飛凝居中縣神動外畿  
懸象著明離光乃位我有儲德徽猷淵備長壽  
祭書龍樓迴轡重道上庠行遊儒肆

朝陽有幹布葉萋萋思皇威矣鸛羽高棲出馳  
先輅入秉介珪瞻泰望并建魯分奎

求賢每勞得士方逸有覺斯順無文咸秩萬箱  
惟重百鍤載卹屈草戒諛階雲紀日

文教已肅武節旣馳榮光可照合璧如規載懷  
姑射尚想瑤池濯龍乃飾天淵在斯

作樂順動實符時  
義上春初吉亦留淵  
寄紅樹巖舒青莎水  
被雕梁虹拖雲荒鳥  
跂

高懸甲帳周褰黼  
帷長筵列陛激水旋  
墀浮醪聚蟻靈蔡呈  
姿河宗躍踢海介夔  
跼

弱腕纖腰遷延妙舞  
秦箏趙瑟殷勤促柱  
降席連綏稱觴接武  
稽首萬年獻茲多祐

天地旣成泉流旣清  
薄暮沾幸屬奉文明  
將標齊配刻掃秦京  
願馳龍漠飲馬懸旌

三日侍宴曲水代人應詔

九章

神理內寂機象外融遺情汾水垂冕鴻宮樹以  
司牧匪我求蒙徒勤日用誰契玄功

往晦必明來碩資塞於皇克聖時乘御辯寶曆  
載暉瑤光重踐昭昭舊物熙熙遷善

當宁日晏求衣未明抵璧焚翠銷劍褰城九疇  
式序三辟載清虞箴罔闕朦奏傳聲

麗景則春儀方在震重聖積厚金式瓊潤天爵  
必諧王臣咸藎譬諸華霍惟邦之鎮

正朔葱瀚冠冕甲越爭長明堂相超魏闕龜蒙

南薦環裘西發巢閣易窺馴庭難狘

上巳惟昔于彼禊流褻穢河滸張樂春疇旣停  
龍駕亦泛鳧舟靈宮備矣無待茲遊

初駕命曉朝霞開夜飾陞道源迴伊流灞極望  
天淵曲阻亭榭閒館巖敞長廊水架

金觴恣蕩玉俎推移筵浮水豹席擾雲螭寥亮  
琴瑟嗷咷塤箎歡茲廣讌穆穆天儀

周道如砥康衢載直徒愧玄黃負恩無力華輶  
徒駕長纓未飾相彼失晨寧忘鼓翼



遊山

以下  
五言

託養因支離乘閒遂疲蹇語默良未尋得喪云  
誰辯幸蒞山水都復值清冬緬凌厓必千仞尋  
壑將萬轉堅嶠旣峻嶒迴流復宛澶杳杳雲竇  
深淵淵石溜淺傍眺鬱繁勞還望森枏梗荒隩  
被葳蕤崩壁帶苔蘚飈飈呌層巘鷗鳬戲沙衍  
觸賞聊自觀卽趣咸已展經目惜所遇前路欣  
方踐無言蕙草歇留垣芳可攀尚子時未歸邴  
生思自免永志昔所欽勝迹今能選寄言賞心

客得性良爲善

遊敬亭山

茲山亘百里合沓與雲齊  
隱淪旣已託靈異居然棲  
上千蔽白日下屬帶迴谿  
交藤荒且蔓樛枝聳復低  
獨鶴方朝唳飢腸此夜啼  
淅雲已漫漫夕雨亦淒淒  
我行雖紆組兼得尋幽蹊  
緣源殊未極歸徑宵如迷  
要欲追奇趣卽此凌丹梯  
皇恩竟已矣茲理庶無睽

將遊湘水尋句溪

旣從陵陽釣挂鱗  
驂赤螭方尋桂水  
源謁帝蒼山垂辰  
哉且未會乘景弄  
清漪瑟汨瀉長淀  
潺湲赴兩岐輕蘋上  
靡靡襍石下離離  
寒草分花映戲鮪  
乘空移興以暮秋月  
清霜落素枝魚鳥  
余方翫纓綬君自  
縻及茲暢懷抱山  
川長若斯

遊東田

戚戚苦無棕攜手  
共行樂尋雲陟累  
榭隨山望園閣遠  
樹曖阡阡生煙紛  
漠漠魚戲新荷動  
鳥散餘花落不對  
芳春酒還望青山  
郭

答王世子

飛雪天山來飄聚繩櫺外蒼雲暗九重北風吹  
萬籟有酒招親朋思與清顏會熊席惟爾安羔  
裘豈吾帶公子不垂堂誰肯憐蕭艾

答張齊興

荆山從百里漢廣流無極北馳星斗正南望朝  
雲色川隰同幽快冠冕異今昔子肅兩岐功我  
滯三冬職誰知京洛念彷彿昆山側向夕登城  
濠潛池隱復直地迥聞遙蟬天長望歸翼清文

言  
卷之三  
忽景麗思泉紛寶飾勿言脩路阻勉子康衢力  
會厓寂且寥歸軫逝言陟

暫使下都夜發新林至京邑贈西府同僚  
大江流日夜客心悲未央徒念關山近終知返  
路長秋河曙耿耿寒渚夜蒼蒼引領見京室宮  
雉正相望金波麗鵲玉繩低建章驅車鼎門  
外思見昭丘陽馳暉不可接何況隔兩鄉風雲  
有鳥路江漢限無梁常恐鷹隼擊時菊委嚴霜  
寄言罽羅者寥廓已高翔

酬王晉安德元

稍稍枝早勁  
塗塗露晚晞  
南中榮橘柚  
寧知鴻鴈飛  
拂霧朝青閣  
日旰坐彤闈  
悵望一途阻  
參差百慮依  
春草秋更綠  
公子未西歸  
誰能久京洛  
緇塵染素衣

郡內高齋閒望答呂法曹

結構何迢遞  
曠望極高深  
牕中列遠岫  
庭際俯喬林  
日出衆鳥散  
山暝孤猿吟  
已有池上酌  
復此風中琴  
非君美無度  
孰爲勞寸心  
惠而能好

我問以瑤華音若遺金門步見就玉山岑

在郡臥病呈沈尚書

淮陽股肱守高臥猶在茲况復南川曲何異幽  
棲時連陰感農節瑩笠聚東菑高閣常晝掩荒  
階少諍辭珍簟清夏室輕扇動涼颺嘉魴聊可  
薦綠蟻方獨持夏李沈朱實秋藕折輕絲良辰  
竟何許夙昔夢佳期坐嘯徒可積爲邦歲已暮  
弦歌終莫取撫枕令自嗤

沈約答謝宣城附

王喬飛鳧舄東方金馬門從宦非宦侶避世  
作避喧揆余發皇覽短翮屢飛翻晨趨朝建  
禮晚沐臥郊園賓至下塵榻憂來命綠樽昔  
賢侔時雨今守馥蘭蓀神交疲夢寐路遠隔  
思存牽拙謬東汜浮情反西崑顧循良菲薄  
何以儼璵璠將隨渤海去刷羽泛清源

別王丞僧孺

首夏實清和餘春滿郊甸花樹雜爲錦月池皎  
如練如何當此時別離言與宴留襍已鬱紆行



言生集卷之三  
舟亦遙衍非君不見思所悲思不見

同羈夜集

積念隔炎涼  
驪言始今夕  
已對濁尊酒  
復此故鄉客  
霜月始流砌  
寒蛸早吟隙  
幸藉京華遊  
邊城讌良席  
樵采咸共同  
荆莎聊可藉  
恐君城闕人  
安能久松柏

新亭渚別范零陵雲

洞庭張樂地  
瀟湘帝子遊  
雲去蒼梧野  
水還江漢流  
停驂我悵望  
輟棹子夷猶  
廣平聽方籍  
茂

陵將見求心事俱已矣江上徒離憂

忝役湘州與宣城吏民別

弱齡倦簪履薄晚忝華輿開沃盡地區山泉諧  
所好幸遇昌化穆淳俗罕驚暴四時從偃息三  
省無侵冒下車遽暄席紆服始黔竈榮辱未遑  
敷德禮何由導汨徂奉南岳兼秩典邦號疲馬  
方云驅鉛刀安可操還惠良寂寞恩靈亦匪報  
桂水日悠悠結言幸相勞吐納貽爾和窮通勗  
所蹈

言五步集  
卷二  
九  
懷故人

芳洲有杜若可以贈佳期望望忽超遠何由見  
所思行行水千里山川已間之離居方歲月故  
人不在茲清風動簾夜孤月照牕時安得同荷  
手酌酒賦新詩

始之宣城郡

下帷闕章句高談媿名理踈散謝公卿蕭條依  
椽吏簪髮逢嘉惠教義承君子心迹苦未并憂  
歡將十祀幸沾雲雨慶方轡參多士振鷺徒追

飛羣龍難隸齒烹鮮止貪兢共治屬廉恥伊余  
昧損益何用祗千里解劍北宮朝息駕南川涘  
寧希廣平詠聊慕華陰市棄置宛洛遊多謝金  
門裏招招漾輕楫行行趨巖趾江海雖未從山  
林於此始

之宣城郡出新林浦向板橋

江路西南永歸流東北驚天際識歸舟雲中辨  
江樹旅思倦搖搖孤遊昔已屢旣歡懷祿情復  
協滄洲趣囂塵自茲隔賞心於此遇雖無玄豹

姿終隱南山霧

休沐重還丹陽道中

薄遊第從告思閒願罷歸還卽歌賦似休汝車  
騎非灞池不可別伊川難重違汀葭稍靡靡江  
菼復依依旧鵠遠相叫沙鵠忽爭飛雲端楚山  
見林表吳岫微試與征徒望鄉淚盡沾衣賴此  
盈樽酌含景望芳菲問我勞何事霑沐仰清徽  
志狹輕軒冕恩甚戀閨闈歲華春有酒初服偃  
郊扉

京路夜發

擾擾整夜裝肅肅戒徂兩曉星正寥落晨光復  
濛濛猶沾餘露闌稍見朝霞上故鄉邈已履山  
川脩且廣文奏方盈前懷人去心賞敕躬每踟  
躕瞻恩惟震蕩行矣倦路長無由稅歸鞅

晚登三山還望京邑

灞涘望長安河陽視京縣白日麗飛甍參差皆  
可見餘霞散成綺澄江靜如練喧鳥覆春洲雜  
英蒲芳甸去矣方滯淫懷哉罷歡宴佳期悵何

許淚下如流轍有情知望鄉誰能翼不變

始出尚書省

惟昔逢休明十載朝雲陛既通金閨籍復酌瓊  
筵醴宸景厭昭臨昏風淪繼體紛虹亂朝日濁  
河穢清濟防口猶寬政餐荼更如薺英袞暢人  
謀文明固天啓青精翼紫帙黃旗映朱邸還覩  
司隸章復見東都禮中區咸已泰輕生諒昭洒  
洗趨事辭官闕載筆陪旌棨邑里向踈蕪寒流  
自清泚衰柳尚沈沈凝露方泥泥零落悲友朋

歡娛燕兄弟既乘丹石心寧流素絲涕因此得  
蕭散垂竿深澗底

直中書省

紫殿蕭陰陰彤庭赫弘敞風動萬年枝日華承  
露掌玲瓏結綺錢深沉映朱網紅藥當階翻蒼  
苔依砌上茲言翔鳳池鳴佩多清響信矣非吾  
室中園思偃仰朋情以鬱陶春物方駘蕩安得  
凌風翰聊恣山泉賞

觀朝雨



朔風吹飛雨蕭條江上來旣灑百常觀復集九  
成臺空濛如薄霧散漫似輕埃平明振衣坐重  
門猶未開耳目暫無擾懷古信悠哉戢翼希驤  
首乘流畏膝鯁動息無兼遂岐路多徘徊方同  
戰勝者去剪北山菜

宣城郡內登望

借問下車日匪直望舒圓寒城一以眺平楚正  
蒼然川積陵陽阻溪流春穀泉威紆距遙甸曉  
出帶遠天切切陰風暮桑柘起寒煙悵望心已

極惝恍魂屢遷結髮倦爲旅平生早事邊誰規  
鼎食盛寧要狐白鮮方棄汝南諾言稅遼東田  
冬日晚郡事隙

案牘時閒暇偶坐觀卉木颯颯蒲池荷條條蔭  
牕竹簷隙自周流房櫳閒且肅蒼翠望寒山崢  
嶸瞰平陸已惕慕歸心復傷千里目風霜旦夕  
甚蕙草無芬馥云誰美笙簧孰是厭邁軸願言  
稅逸駕臨潭餌秋菊

高齋視事

餘雪映青山寒霧開白日曖曖江村見離離海  
樹出披衣就清盥憑軒方秉筆列俎歸畢味連  
鷄止容膝空爲大國憂紛詭諒非一安得掃荒  
逕鎖吾愁與疾

冬緒羈懷示蕭諮議虞田曹劉江二常侍  
去國懷丘園入遠滯城闕寒燈耿宵夢清鏡悲  
曉髮風草不留霜冰池共如月寂寞此閒帷琴  
尊任所對客念坐嬋媛年華稍菴蔓夙慕雲澤  
遊共奉荆臺續一聽春鶯喧再視秋虹沒疲驂

良易返恩波不可越誰慕臨淄鼎常希茂陵渴  
依隱幸自從求心果蕪昧方軫歸與願故山芝  
未歇

落日悵望

昧旦多紛喧日晏未遑舍落日餘清陰高枕東  
牕下寒槐漸如束秋菊行當把借問此何時涼  
風懷朔馬已傷歸慕容復思離居者情嗜幸非  
多案牘偏爲寡旣乏瑯琊政方憇洛陽社

賽敬亭山廟喜雨

夕悵懷椒糈蠲景潔營鄉登秋雖未獻望歲佇  
年祥潭淵深可厲狹邪車未方朦朧度絕限出  
沒見林堂秉玉朝羣帝樽桂迎東皇排雲接虬  
蓋蔽日下霓裳會舞紛瑤席安歌遶鳳梁百味  
芬綺帳四座沾羽觴福被延民澤樂極思故鄉  
登山騁歸望原雨晦茫茫胡寧昧千里解珮拂  
山莊

賦貧民田

假遇

一作佳譽

非將迎靖其

一作靜拱

延殊慶中歲歷三

臺旬月典邦政曾是共治情敢忘卹貧病將無  
富教禮孰有知方性敦本抑工商均業省兼併  
察壤見泉脈覘星視農正黍稷緣高殖稻稌卽  
卑感舊埸新塍分青苗白水映遙樹匝清陰連  
山周遠淨卽此風雲佳孤觴聊可命旣微三載  
道庶藉兩岐詠俾爾倉廩實余從谷口鄭

移病還園示親屬

疲策倦人世歛性就幽蓬停琴佇涼月滅燭聽  
歸鴻涼薰乘暮晰秋華臨夜空葉低知露密崖

斷識雲重折荷葦寒袂開鏡照衰容海暮騰清  
氣河關祕淒冲煙衡時未歇芝蘭去相從

治宅

結宇夕陰街荒幽橫九曲迢遞南川陽迤遞西  
山足闕館臨秋風敞牕望寒旭風碎池中荷霜  
翦江南萊旣無束都金且稅東臯粟

秋夜講解

四緣去誰肇七識習未央沈沈倒營魄苦蔭感  
愁腸琴瑟徒爛熳姱容空滿堂春顏遽幾日秋

壘終茫茫孰云濟沈溺假願託津梁惠唱摘泉  
湧妙演發金相空有定無執賓實固相忘自來  
乘首夏及此申暮霜雲物清晨景衣巾引夕涼  
風振蕉蓬裂露下梧楸傷六龍且無借三相寧  
久長何時接靈應及子同舟航

春思

茹谿發春水叱山起朝日蘭色望已同萍際轉  
如一巢燕聲上下黃鳥弄儔匹邊郊阻遊衍故  
人盈契濶夢寐借假簧思歸賴倚瑟幽念漸鬱



陶山楹永爲室

秋夜

秋夜促織鳴南隣  
搗衣悉思君  
隔九重  
夜夜空佇立  
北窗輕幔垂  
西戶月光入  
何知白露下  
坐視階前濕  
誰能長分居  
秋盡冬復及

謝宣城集卷之四

齊陳郡謝朓玄暉著

明陶渾張燮紹和纂

詩

和何議曹郊遊二首

春心澹容與挾弋步中林朝光映紅蕖微風吹  
好音江垂得清賞山際果幽尋未嘗遠離別知  
此愜歸心流沂終靡已嗟行方至今

江臯倦遊客薄暮懷歸者揚舲浮大川惆悵至

日下蘼靡青莎被潺湲石溜瀉寄語持笙簞舒  
憂願自假歸途豈難涉翻同江上夏

和劉西曹望海臺

滄波不可望望極與天平往往孤山映處處春  
雲生差池遠鴈沒颯沓羣兒驚囂塵及簿領棄  
捨出重城臨川徒可美結網庶時營

和宋記室省中

落日飛鳥遠憂來不可極竹樹澄遠陰雲霞成  
異色懷歸欲乘電瞻言思解翼清揚婉禁居秘

此文墨職無歎阻琴樽相從伊水側

和王著作作融八公山

二別阻漢坻雙嶠望河澳茲嶺復巘岼分區奠  
淮服東限瑯琊臺西距孟諸陸阡眠起雜樹檀  
欒蔭脩竹日隱澗疑空雲聚岫如複出沒眺樓  
雉遠近送春日戎州昔亂華素景淪伊穀陆危  
賴宗袞微管寄明牧長蛇固能剪奔鯨自此瀑  
道峻芳塵流紫遙年運倏平生仰令圖吁嗟命  
不淑浩蕩別親知連翩戒征軸再遠館娃宮兩

去河陽谷風煙四時犯霜雨朝夜沐春秀良已  
凋秋塲庶能築

和伏武昌登孫權故城  
伏曼容爲武昌太守

炎靈遺劍璽當塗駭龍戰聖期缺中壤霸功興  
寓縣鵲起登吳山鳳翔凌楚甸衿帶窮巖險帷  
帟盡謀選北拒溺驂鑣西龕收組練江海旣無  
波俯仰流英眊裘冕類禋郊卜揆崇離殿釣臺  
臨講閤樊山開廣讌文物共葳蕤聲明且葱蒨  
三光厭分景書軌欲同薦參差世祀忽寂寞市

朝變舞館識餘基  
歌梁想遺囀故林  
衰木平荒池秋草  
徧雄圖悵若茲  
茂宰深遐睠幽客  
滯江臯從賞乖纓  
弁清卮阻獻酬良  
書限聞見幸藉芳  
音多承風采餘絢  
于役倘有期鄂渚  
同遊衍

夏始和劉潺陵

威仰弛蒼郊龍曜表皇隰  
春色卷遙甸炎光麗近  
邑白蘋望已騁細荷紛可  
襲徒願尺波旋終憐寸景  
戔對窗斜日過洞幌鮮飈  
入浮雲去欲窮暮鳥飛相  
及柔翰縝芳塵清源非易  
揖廻江

難絕濟云誰暢佇立良宰勗夜漁出入事朝汲  
積羽余旣裳更賦子盈粒椅梧何必零歸來共  
棲集

新治北窗和何從事

國少暇日多民淳紛務屏闕牖期清曠開簾候  
風景泱泱日照溪團團雲去嶺若堯蘭榛峻駢  
闕石路整池北樹如浮竹外山猶影自來彌弦  
望及君臨箕頰清文蔚且詠微言超已領不見  
城濠側思君朝夕頃迴舟方在辰何以慰延頸

和王主簿李哲怨情

掖庭聘絕國長門失歡宴相逢詠薜蘿辭寵悲  
團扇花叢亂數蝶風簾入雙燕徒使春帶賒坐  
惜紅粧變生平一顧重宿昔千金賤故人心尚  
爾故心人不見

和徐都曹出新亭渚

宛洛佳遨遊春色滿皇州結軫青郊路迴瞰蒼  
江流日華川上動風光草際浮桃李成蹊徑桑  
榆蔭道周東都已倣載言歸望綠疇



徐勉昧旦出新亭渚附

驅車凌早術山華映初日纜轡且徘徊復值  
清江謐杳靄楓樹林參差黃鳥匹氣物宛如  
斯重以心期逸春堤一遊衍終朝意殊悉

和劉中書

昔余侍君子歷此遊荆漢山川隔舊賞朋僚多  
雨散圖南矯風翮曾非息短翰移疾覲新篇披  
衣起淵翫惆悵懷昔踐彷彿得殊觀頽紫共彬  
駸雲錦相凌亂奔星上未窮驚雷下將半迴潮

潰崩樹輪囷軋傾岸巖篠或傍翻石菌蕪脩幹  
澄澄明浦媚衍衍清風爛江潭良在目懷賢興  
累歎歲暮不我期淹留絕巖畔

劉繪入琵琶峽望積石磯呈玄暉附

江山信多美此地寔爲神以茲峰石麗重在  
芳樹春照爛虹蜺雜交錯錦繡陳差池若燕  
羽翦劣似龍鱗却瞻了非向前觀復已新翠  
微上虧景清莎下拂津巉巖如刻削可望不  
可親昔途首遐路未獲究清塵誓將返初服

歲暮請爲鄰

贈王主簿二首

日落窻中坐紅粧好顏色舞衣襖未縫流黃覆  
不織蜻蛉草際飛遊蜂花上食一遇長相思願  
寄連翩翼

清吹要碧玉調絃命綠珠輕歌急綺帶含笑解  
羅襦餘閒詎幾許高駕且踟躕徘徊韶景暮一作  
憐暮惟有洛城隅

和蕭中庶直石頭

九河亘積阻三巖鬱旁眺皇州總地德回江款  
巖微井幹絕蒼林雲甍蔽層嶠川霞旦上薄山  
光晚餘照翔集亂歸飛虹蜺紛引曜君子奉神  
略瞰迥憑重峭彈冠已籍甚升車益英妙功存  
漢冊書榮並周庭燎汲疾移偃息董園倚談笑  
麾旆一悠悠謙姿光且劭譙嘉多暇日興文起  
淵調曰余廁鱗羽滅景從漁釣澤渥資投分逢  
迎典待詔詠沼邈含毫專城空坐嘯徒慚皇鑒  
揆終延曲士諠方追隱淪訣偶解金丹要若偶

巫咸招帝閭良可叫

梁武帝直石頭附

率土皆王土安知全高尚東壘棄黍稷西遊  
入卿相屬逢利建始投分參末將尺一功未  
施河山賞已諒攝官因時暇曳裾聊起望鬱  
盤地勢遠參差百雉壯翠壁絳霄際丹樓青  
霞上夕池出濠渚朝雲生疊嶂籠鳥易爲恩  
屠羊無節讓泰階端且平海水本無浪小臣  
何日歸頓轡從開放

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂  
淵道善謗宗學原鳴鐘霽幽抱仁焉徂宛洛清  
徽夜何早歲晚結松陰平原亂秋草不有至言  
揚終滯西山老

竟陵王同沈右率過劉先生墓附

沛國劉子珪學優未仕跡邇心遐履信體仁  
古之遺德潛舟迅景滅賞淪輝言念芳猷武  
懷嗟述屬舍第隨郡有示來篇彌縝久要之

情益深宿草之嘆升望西山率爾爲答雖因  
事雷生實申悲劉子云爾

漢陵淹館蕪晉彌沬風缺五都聲論空三河  
文義絕興禮邁前英談玄踰往哲明情日夜  
深徽音歲時戒垣井總已平煙雲從容裔爾  
歎牛山悲我悼驚川逝

隨郡王經劉先生墓附

升堂子不謬問道余未窮如何辭白日千載  
隔音通山門一已絕長夜緬難終初松切暮

鳥新楊摧曉風  
榛關向蕪密  
泉途轉銷空

沈約和詩附

表閭欽逸軌  
軾墓禮貞魂  
化途終眇默  
神理  
曖猶存塵  
駕未輟  
幌高衡已委門  
日蕪子雲  
舍徒望輩生  
園華陰無遺市  
楚席有靈樽  
玄  
泉倘能慰  
長夜且勿論

柳惲和詩附

西河寂高業  
北海望清塵  
曾微誰與寄  
尚德  
在伊人  
遺文重昭晰  
絕緒復紛綸  
露華白朝



日蘭生無久春芳猷動淵思撫軾履高辰山  
風起寒木野雀亂秋榛蘿草時易宿素軌邈  
難遵

虞炎和詩附

下帷聞昔儒窺園信且逸聚學叢煙郊棲遁  
事環華戢景謝歸年稅駕空悠日庭露已沾  
衣松門向蕭瑟憫憫神念周依依惠言密

和王長史卧病

岬岫欵崇崖派別朝洪河兎園文雅盛章臺冠

蓋多淵襟眷昏岳燮贊動昨歌顧影慚駢服載  
筆旅江沱縞衣分可獻琴言暖已和青臯向還  
色春潤視生波巖垂變好鳥松上改陳蘿日與  
歲眇邈歸恨積一作稍蹉跎願緝吳山杜寧袂楚  
池荷清風豈孤劬功遂懷曾阿勿藥良有暢荏  
苒芳未過幸留清樽味言藉故田莎

王秀之卧病叙意附

貞悔不少期福極固難豫疾藥雖一途遂以  
千百慮景仄念徂齡帶緩每危曙循躬旣已

言道堂集卷之四  
九  
七  
茲况復歲將暮層冰日夜多飛雲密如霧歸  
鴻互斷絕宿鳥莫能去輟我丘中琴良由一  
嗟故隱淪迹有違宰官功未樹何用攬余情  
恨恨此故路豈言勞者歌且曰幽人賦

和江丞北戍琅邪城

春城麗白日阿閣跨層樓蒼江忽渺渺驅馬復  
悠悠京洛多塵霧淮濟未安流豈不思撫劍惜  
哉無輕舟夫君良自勉歲暮勿淹留

江孝嗣北戍瑯邪城詩附

驅馬一連翩日下情不息芳樹似佳人惆悵  
余何極薄暮苦羈愁終朝傷旅食丈夫許人  
世安得顧心憶按劍勿復言誰能耕與織

和沈祭酒行園

清淮左長薄荒徑隱高蓬回潮旦夕上寒渠左  
右通霜畦紛綺錯秋町鬱蒙茸環梨懸已紫珠  
榴折且紅君有棲心地伊我歡旣同何用甘泉  
側玉樹望青葱

沈約行園附

寒底方卧壟秋菰亦消陂紫茄紛爛熳綠芋  
鬱參差初菰向堪把時韭日離離高梨有繁  
實何減萬年枝荒渠集野鴈安川昆明池

奉和隨王殿下十六首

高秋夜方靜神居肅且深閒階塗廣露涼宇澄  
月陰嬋娟影池竹疎蕪散風林淵情協爽節詠  
言興德音聞道空已積于直愧蓬心

星回夜未艾洞房凝遠情雲陰滿池榭中月懸  
高城喬木含風霧行鴈飛且鳴平臺盛文雅西

園富羣英芳慶良永矣君王嗣德聲眷此伊洛  
詠載懷汾水情顧已非鹿則恭惠奉仁明觀淄  
詠已失撫然愧簪纓

神心遺魏闕中想顧汾陽肅景懷辰豫捐玦翦  
山楊時惟清夏始雲景曖含芳月陰洞野色日  
華麗池光草含亭臯遠霞生川路長端坐聞鶴  
引靜瑟恰復傷懷哉泉石思歌詠鬱瓊相春塘  
多迭駕言從伊與商袞職眷英覽獨善伊何忘  
願輟東都遠弘道侍云梁

齊心重離析岐路清江隈四面寒飈舉千里白  
雲來川長別管思地迥翻旗回還顧昭陽闕超  
遠章華臺置酒巫山日爲君停玉杯

桂樓飛絕限超遠向江岐輕雲霽廣甸微風散  
清漪連連絕鴈舉渺渺青煙移嚴城亂芸草霜  
塘凋素枝氣爽深遙矚豫永聊停曦卽已終可  
悅盈尊且若斯

念深冲照廣業闡清化玄端儀穆金殿敷教藻  
瓊筵船湛輕帷靄磬轉芳風旋卷轡棲道樹方

津裊法舩歸興憑大造昭塗良易筌

玄冬寂脩夜天圍靜且開亭臯霜氣愴松宇清  
風來高琴時以思幽人多感懷幸藉汾陽想嶺  
首正徘徊

愴愴緒風興初初族雲布嚴氣集高軒稠陰結  
寒樹日月謬論思朝夕承清豫徒藉小山文空  
掛章臺賦

蕭景遊清都脩簪侍蘭室累榭踈遠風廣庭麗  
朝日穆穆神儀靜惜惜道言密一殮繫靈表無



客科年曆

清房洞已靜閒風伊夜來雲生樹陰遠軒廣月  
容開宴私移燭飲遊賞藉琴臺風猷冠淄鄴衽  
舄愧唐枚

方池含積水明月流皎鏡規荷承日沍影鱗與  
風派上善叶淵心止川測動性幸是方春來側  
點游濠盛

浮雲西北起飛來下高堂合散輕帷表飄舞桂  
臺陽遙階收委羽平地如夜光眷言金玉照顧

慚蘭蕙芳

炎光缺風雅宗霸拯時淪龍德待雲霧令圖方  
再晨歲遠荒城思霜華宿草陳英威遽如是徘徊  
岐路人

分悲玉瑟斷別緒金樽傾風入芳帷散缸華蘭  
殿明想折中園草共知千里情行雲故鄉色贈  
此一離聲

年華豫已滌夜艾賞方融新萍時合水弱草未  
勝風閨幽瑟易響臺迥月難中春物廣餘照蘭

言公詩集卷之十一  
七  
登佩未窮

連漪映餘雪嚴城限深霧清寒起洞門東風急  
池樹神居望已蕭徘徊舉冲趣棲歸如遲詠丘  
山不可雙

和紀參軍服散得益

金液稱九轉西山歌五色鍊質乃排雲濯景終  
不測雲英亦可餌且駐羲和力能令長卿卧暫  
故遇真識

和王中丞聞琴

涼風吹月露圓景動清陰蕙風入懷抱聞君此  
夜琴蕭瑟蒲林聽輕鳴響澗音無爲澹容與嗟  
陀江海心

謝宣城集卷之五

齊陳郡謝朓玄暉著

明閩漳張燮紹和纂

詩

將發石頭上烽火樓

徘徊戀京邑躑躅躡曾阿陵高遲關近眺迴風  
雲多荆吳阻山岫江海含瀾波歸飛無羽翼其  
如離別何

望三湖

積水照潁霞高臺望歸翼平原周遠近連汀見  
紆直葳蕤向春秀芸黃共秋色薄暮傷哉人嬋  
媛復何極

送江水曹還遠館

高館臨荒途清川帶長陌上有流思人懷舊望  
歸客塘邊草雜紅樹際花猶白日暮有重城何  
由盡離席

送江兵曹檀主簿朱孝廉還上國

方舟泛春渚攜手趨上京安知暮歸客詎憶山

中情香風藥上發好鳥葉間鳴揮袂送君已獨  
此夜琴聲

臨溪送別

悵望南浦時徙倚北梁步葉上涼風初日隱輕  
霞暮荒城迴易陰秋溪廣難渡沫泣豈徒然君  
子行多露

後齋迴望

高軒瞰四野臨牖眺襟帶望山白雲裏望水平  
原外夏木轉成帷秋荷漸如蓋輦洛常瞻然搖

心似懸旆

與江水曹至干濱戲

玉臺云別江水曹

山中上芳月故人清賞遠山翠百重迴流映  
千丈花枝聚如雪  
猶網一作垂藤散似網別後  
能相思何嗟興封壤

荅沈右率諸君餞別

春夜別清樽江潭復爲客歎息東流水如何故  
鄉陌重樹日芬蓋芳洲轉如積望望荆臺下歸  
夢相思夕



沈約餞謝文學附

漢池水如帶巫山雲似蓋  
潯汨背吳潮潯潏潏  
橫楚瀨一望沮漳水  
寧思江海會以我徑寸  
心從君千里外

虞炎附

差池燕始飛  
晷歷草初輝  
離人悵東顧  
遊子愴西歸  
清潮已駕渚  
潯露復沾衣  
一乖當春聚  
方掩故園扉

范雲附

陽臺霧初解。夢渚水裁淥。遠山隱且見。平沙  
斷。還續分絃。饒苦音別。唱多悽曲。爾拂後車  
塵。我事東臯粟。

王融附

所知共歌笑。誰忍別笑歌。離軒思黃鳥。分渚  
夢青莎。翻情結遠旆。灑淚與行波。春江夜明  
月。還望情如何。

蕭琛附

執手無還顧。別渚有西東。荆吳眇何際。煙波

千里通春筍方解籜弱柳尙低風相思將安  
寄悵望南飛鴻

劉繪附

汀洲千里芳朝雲萬里色悠悠在天隅之子  
去安極春潭無與窺秋臺誰共陟不見一佳  
人徒望西飛翼

離夜同江丞王常侍作

玉繩隱高樹斜漢耿層臺離堂華燭盡別幌清  
琴哀翻潮尙知限客思耿難裁山川不可夢況

乃故人杯

江孝嗣附

石泉行可照蘭杜向含風離歌上春日芳思  
徒以空情遽曉雲發心在夕河終幽琴一罷  
調清醕誰復同

王常侍附

月沒高樓曉雲起扶桑時燭筵暖無色行住  
憫相悲當軒已凝念況乃清江湄懷人忽千  
里誰緩鬢祖絲

祀敬亭山廟

翦削兼太華崢嶸跨玄圃貝闕眊阿宮薜帷陰  
網戶參差時未來徘徊望澧浦椒糝若馨香無  
絕傳終古

出下館

麥候始清和涼雨銷炎燠紅蓮搖弱荇丹藤繞  
新竹物色盈懷抱方駕娛耳目零落旣難留何  
川存華屋

落日同何儀曹照

參差複殿影氛氲綺羅雜風入天淵池芰荷搖  
復合遠聽雀聲聚回望樹陰翳一賞桂尊前寧  
傷蓬鬢颯

夜聽妓二首

瓊閨釧響聞瑤席芳塵滿要取洛陽人共命江  
南管情多舞態遲意傾歌弄緩知君密見親寸  
心傳玉盃

上客光四座佳麗直千金挂釵報纓絕墮珥  
琴心蛾眉已共笑清香復入襟歡樂夜方靜

帳垂沈沈

詠薔薇

低枝詎勝葉輕香幸自通發萼初攢紫餘采尙  
霏紅新花對白日故蕊逐行風參差不俱曜誰  
肯盼微叢

詠蒲

離離水上蒲結水散爲珠間厠秋菡萏出入春  
鳧雛初萌實雕俎暮蕊雜椒塗所悲塘上曲遂  
鑠黃金軀

詠兔絲

輕絲旣難理細縷竟無織爛熳已萬條連綿復  
一色安根不可知縈心終不測所貴能卷舒伊  
用蓬生直

遊東堂詠桐

孤桐北窓外高枝百尺餘葉生旣婀娜葉落更  
扶疎無華復無實何以贈離君裁爲珪與瑞足  
可命參墟

雜詠三首



鏡臺

玲瓏類丹檻  
茗亭似玄闕  
對鳳懸清冰  
垂龍挂明月  
照粉拂紅粧  
插花理雲髮  
玉顏徒自見  
常畏君情歇

燈

發翠斜漢裏  
蓄寶宕山峯  
抽莖類仙掌  
銜光似燭龍  
飛蛾再三繞  
輕花四五重  
孤對相思夕  
空照舞衣縫

燭

杏梁賓未散桂宮明欲沈暖色輕帟裏低光照  
寶琴徘徊雲髻影的爍綺疏金恨君秋月夜遺  
我洞房陰

同詠樂器得琴

洞庭風雨幹龍門生死枝雕刻紛布濩冲響鬱  
清卮春風搖蕙草秋月滿華池是時操別鶴淫  
淫客淚垂

王融琵琶附

抱月如可明懷風殊復清絲中傳意緒花裏

寄春情掩抑有奇態淒鏘多好聲芳袖幸時  
拂龍門空自生

沈約箴附

江南簫管地妙響發孫枝殷勤寄玉指含情  
舉復垂雕梁再三繞輕塵四五移曲中有深  
意丹誠君詎知

同詠坐上玩器得烏皮隱几

蟠木生附枝刻削豈無施取則龍文鼎三趾獻  
光儀勿言素韋潔白沙尚推移曲躬奉微用聊

承終宴疲

沈約竹櫝榔盤附

稍風有勁質柔川道非一平織方以文穹成  
圓且密薦羞雖百品所貴浮天實幸承歡醕  
餘寧辭嘉宴畢

同詠坐上所見一物得席

本生潮汐池落景照參差汀洲蔽杜若幽渚奪  
江籬遇君時采蘋玉座奉金卮但願羅衣拂無  
使素塵彌

柳惲詠席附

照日汀洲際搖風綠潭側雖無獨璽絲幸有  
青袍色羅袖少輕塵象牀多麗飾願君蘭夜  
飲佳人時宴息

王融詠幔附

幸得與珠綴晷歷君之楹月映不辭卷風來  
輒自輕每聚金爐氣時駐玉琴聲但願致樽  
酒蘭缸當夜明

虞炎詠簾附

青軒明月時紫殿秋風日瞳矐引光輝  
映容質清露依檐垂蛸絲當戶密寒開誰共  
臨掩晦獨如失

詠竹火籠

庭雪亂如花井冰粲成玉因炎入貂袖懷溫奉  
芳褥體密用宜通文邪性非曲本自江南墟嫵  
娟脩且綠暫承君玉指請謝陽春旭

失姓名同詠竹火籠附

結根終南下防露復披雲雖爲九華扇聊可

滌炎氛安能偶狐白鶴卵織成文覆持鴛鴦  
被百和吐氛氲忽爲纖手用歲暮侍一作倚羅  
裙

詠風

徘徊發紅萼葳蕤動綠葳垂楊低復舉新萍合  
且離步檐行袖靡當戶思襟披高響飄歌吹相  
思子未知時拂孤鸞鏡星鬢視參差

詠竹

牕前一叢竹青翠獨言奇南條交北葉新筍襍

言金坡集 卷三  
故枝月光疎已密風來起復垂青苞飛不礙黃  
口得相窺但恨從風籜根株長別離

詠落梅

新葉初冉冉初莖新菲菲逢君後園燕相隨巧  
笑歸親勞君王指摘以贈南威川持插雲髻翡翠  
翠比光輝日暮長零落君恩不可追

詠牆北梔子

有美當階樹霜露未能移金顰發朱采映日以  
離離幸賴夕陽下餘景及西枝還思照綠水君



階無山池餘榮未能已  
晚實猶見奇復留傾簷  
德君恩信未貲

詠鷓鴣

蕙草含初芳瑤池暖晚色得厠鴻鸞影晞光弄  
羽翼

聯句

阻雪連句遙贈和

積雪皓陰池北風鳴細枝九逵密如繡何異遠

別離

謝朓

風庭舞流霰冰沼結文澌飲春雖以燠

欽賢紛若馳

江秀才

珠璫條間響玉溜檐下垂杯

酒不相接寸心良共知

王丞融

飛雲亂無緒結冰

明曲池雖乖促席讌白首信勿虧

王蘭陵僧孺

飄素

瑩簷溜巖結噎通岐罇壘如未澣况乃限音儀

謝洗馬

吳原隰望徒倚松筠竟不移隱憂愿萱樹忘

懷待山巵

劉中書繪

初昕逸翮舉日晏駑馬疲幽山

有桂樹歲暮方參差

沈有率約

還塗臨渚

綠水纈清波青山繡芳質落景皎晚陰殘花綺

餘日

何從事

白沙澹無際青山耿如一傷此物運

移惆悵望還律

吳郎

白水田外明孤嶺松上出卽

趣佳可淹淹留非下秩

府君遜和

紀功曹中園

蘭亭仰遠風芳林接雲嶺傾葉順清飈脩莖佇

高鶴

何從

連綿夕雲歸曉暖日將落寸陰不可

留蘭幄豈停酌

吳郎

丹纓猶照樹綠筠方解籜永

志能兩忘卽賞謝丘壑

府君

### 閒坐

雨洗花葉鮮泉漫芳塘溢藉此閒賦詩聊用蕩

羈疾

陳郎

霏霏微雨散歲蕤蕙草密預藉芳筵賞

沾生信昭悉

紀功曹晏

紫葵窓外舒青荷池上出旣

闌潁川扉且卧淮南秩

府君

流風蕩晚陰行雲掩

朝日念此蘭蕙客徒有芳菲質

何從事

侍筵西堂落日望鄉

沈病已綿緒負官別鄉憂高城淒夕吹時見國

煙浮

曹丞

漠漠輕雲晚颯颯高樹秋鄉山不可望

蘭卮且獻酬

府君

旻高識氣迴泉渟知潦收幸遇

慶筵渥方且沐恩猷

紀功曹

芸黃先露早騷瑟驚

暮秋舊城望已肅况乃客悠悠

何從事

往敬亭路中

山中芳杜綠江南蓮葉紫芳年不共遊淹留空

若是

府君

綠水豐漣漪青山多繡綺新條日向抽

落花紛已委

何從事

弱夢既青翠輕莎方羅靡鷺

鷗沒而遊麝騰復倚

齊舉郎

春岸望沈沈清流

見瀾瀾幸藉人外遊盤桓未能徙

陳郎

驚柑把瓊

芳隨山訪靈詭榮楯每嶙峋林堂多碣礧

府君

### 祀敬亭山春雨

水府衆靈出石室寶圖開白雲帝鄉下行雨巫

山來

府君

歌風讚靈德舞蹈起輕埃高軒乍留吹

玄羽或徘徊

何從事

福降羣仙下識逸百神該青

鳥飛層際赤鯉泳瀾隈

齊舉郎

謝宣城集卷之六

齊陳郡謝朓玄暉著

明閩漳張燮紹和纂

表

爲百官勸進齊明帝表

臣聞時乘在御必待先天之業神化爲皇乃叶  
應期之運况復湯孫有緒纂堯惟德舊邦佇新  
復禹歸祉大齊之權興寶曆孕育前古昭假四  
海克酬三靈而嗣命疾威蕃鄙叛渙委裘御寓

燹鼎如忽陛下文思體道徇齊作聖翦應龍於  
冀州戮長蛇於沮水榮光之瑞昭回延喜之寶  
潤色天聰爰發人謀咸贊伏願陛下仰答靈祇  
弘宣景命誕受多方奄宅萬國



爲明帝讓封宣城公表

如其懸旌灞澹刷馬伊穀灑酒望屬車之塵整  
笏侍升平之禮陛下許謨玄覽欽若宏圖鑒臣  
匪躬共申彝訓雖量能之請近遂微躬則弘長  
之風足軌來世

言  
卷之二  
爲明帝拜錄尚書表

升降王階拜揚休命六轡在手千里何偕司會  
天官之統尚書百僚之本弘之則庶績惟凝贊  
之則彝倫斯敦脩身踐言本慙五美果行育德  
未階六正妄屬負圖之寄多謝五仁之績操檜  
戢於龍津荷梓梁於雲構無以輔位明堂遺像

麟閣

章

爲宣城公拜章

惟天爲大日星度其象謂地益厚河岳宣其氣  
斯冕旒所以貞觀衮職所以代終慙下穆而上  
寧豈南征而北怨何以克詠九歌載宣七德銘  
彼旂常勒斯鐘鼎

牋

辭隋王子隆牋

故史文學謝朓死罪死罪卽日被尚書召以朓  
補中軍新安王記室參軍朓聞黃汗之水願朝  
宗而每竭驚蹇之乘希沃若而中疲何則皐壤  
搖落對之惆悵岐路東西或以鳴咽况乃服義  
徒擁歸志莫從邈若墜雨翩似秋帶朓實庸流  
行能無筭屬天地休明山川受納褒采一介抽  
揚小善故得捨耒場圃奉筆兔園東亂三江西

浮七澤契濶戎旃從容讌語長裾日曳後乘載  
脂榮立府庭恩加顏色沐髮睎陽未測涯涘撫  
臆論報早誓肌骨不悟滄溟未運波臣自蕩渤  
澥方春旅翮先謝清切藩房寂寥舊草輕舟反  
溯弔影獨留白雲在天龍門不見去德茲永思  
德滋深惟待青江可望候歸艎於春渚朱邸方  
開效蓬心於秋實如其簪履或存衽席無改雖  
復身填溝壑猶望妻子知歸攬涕告辭悲來橫  
集不任犬馬之誠

啓

爲王敬則謝會稽太守啓

臣本布衣不謀遠大折衝之勤不舉燮理之義  
何階常恐覆餗是貽咎徵斯應陛下繼歷聖統  
日月重光得以桓珪衮服拜奉歲時視濯獻牲  
鞠躬郊廟而鴻恩妄假覆授龜符玉節邁於雙  
璜表東侔於四履臨邊三事旣謝張溫潁川再  
撫亦慙黃霸

謝隨王賜左傳啓

昭晰殺青近發中汗恩勸挾策慈勗下帷朏未  
窺山笥早惜河籍業謝專門說非章句庶得旣  
困而學括羽瑩其蒙心家藏賜書籙金遺其貽  
厥披覽神勝吟諷知厚

謝隨王賜紫梨啓

味出靈闕之陰旨珍玉津之滋豈徒真定歸美  
大谷懸茲將恐帝臺妙榮安期靈棗不得孤擅  
王盤獨甘仙席雖泰君傳器漢后推飡望古可  
儔於今何答



教

爲錄公拜揚州恩教

昔召南分陝流甘棠之德平陽好道深獄市之  
寄吾忝鶴負荷任總侯伯受餞元戎作牧中甸  
此地五都雜會四方是則而向隅之矜斯積納  
隍之歎猶繁興念下車無忘待旦有齊禮導德  
致之仁壽弘漏網之寬申在宥之澤

爲東海餉諸葛處士教

昔長孫東組降龍丘之節文舉北轡高通德之  
稱所以激貪立懦式揚風範處士諸葛矚高風  
所漸結轍前脩豈懷珠被褐韜玉待價將幽貞  
獨往不事王侯者耶聞事親有啜菽之宴就養  
寡藜蒸之給豈得獨享萬鍾而忘茲五秉可餉  
穀百斛

哀策文

齊敬皇后哀策文

惟永泰元年秋九月朔日敬皇后梓宮啓自先  
塋將祔于興安陵其日至尊親奉奠明皇帝乃  
使兼太尉陳顯達設祖于行宮禮也翠帟舒阜  
玄堂啓扉俎徹三獻筵卷六衣哀子嗣皇帝懷  
蜃衛而延首想驚輅而撫心痛椒塗之先廓哀  
長信之莫臨身隔兩赴時無二展旋詔左言光  
敷聖善其辭曰

帝唐遠胄御龍遙緒在秦作劉在漢開楚肇惟  
淑聖克柔克令清漢表靈曾沙膺慶爰定厥祥  
徽音允穆光華沼沚榮曜中谷敬始絃綖教先  
種陸睿問川流神襟蘭郁先德韜光君道方被  
于佐求賢在謁無諛顧史弘式陳詩展義厚下  
曰仁藏往伊智十亂斯俟四教罔忒思媚諸姑  
貽我嬪則化自公宮遠被南國軒曜懷光素舒  
佇德閔予不祐慈訓早違方年冲藐懷袖靡依  
家臻寶業身嗣昌暉壽宮寂遠清廟虛歸嗚呼

哀哉帝遷明命民神胥悅乾景外臨陰儀內缺  
空悲故劍徒嗟金穴瑋瓚奚獻褱褕罔設嗚呼  
哀哉馮相告褻宸駕長往貽厥遠圖末命是獎  
懷豐沛之綢繆兮背神京之弘敞陋蒼梧之不  
從兮遵鮒隅以同壤嗚呼哀哉陳象設於園寢  
兮映輿鍔於松楸望承明而不入兮度清洛而  
南游繼池緯於通軌兮接龍帷于造舟迴塘寂  
其已暮兮東川澹而不流嗚呼哀哉藉闕宮之  
遠烈兮聞纘女之遐慶始協德於蘋蘩兮終配

謝宣城集

卷六

九

祀而表命慕方經於賜衣兮哀日隆於撫鏡思  
寒泉之罔極兮託彤管於遺詠嗚呼哀哉

謚冊文

齊明皇帝謚冊文

維永泰元年九月朔日哀子嗣皇帝諱仰惟大  
行皇帝早棄萬邦聖烈方遠式遵一作尊帝世俾

罔鴻猷咸以爲無名以化則言繁莫宣其道有  
求斯應則影響庶圖其功所以永言配命寄心  
宗極光昭令德允樹風聲伏惟大行皇帝合信  
四時齊明日月創保大於登庸通神機於受命  
因時以暢藉九萬而輕舉天保既定運四海而

高臨及廼開物成務重維國綱風行草化心往  
如神左賢右戚內樂外禮輯五材以教民申三  
驅而在宥用能感德殷薦美善斯畢皇矣之業  
既孚蒸哉之道咸備景化方遠厭世在天龜筮  
告期遠日無改仰則前王俯詢百辟累德稱睿  
允極鴻名謹命某申奉大牢之奠謹上尊謚曰  
明皇帝廟號高宗天人允協神其尚饗嗚呼哀  
哉



墓銘

臨海公主墓銘

長發有祥瑤臺乃構玄鳥歸飛北音斯奏聿來  
徐土禎符爰授帝體靈柯穠華以秀節館東魯  
言歸景族有教公宮無繫車服旣肅簪珥亦崇  
湯沐率禮衡門降情雲屋彼月斯望在鈞維緝  
瞻須配景望燭齊神靈華崑岫滅采上春慈纏  
雲陞悲動外姻鬱彼崇芒睠然城輦輜翟按轡  
龍旒徐轉

新安長公主墓銘

氛氲長發時惟睿文誕茲明淑玉振蘭芬譽宣  
女師德侔高行肅穆嬪風優游闡正撫事成箴  
臨圖作鏡如何冥默方春委盛

海陵王昭文墓銘

中樞誕聖膺曆受命於穆二祖天臨海鏡顯允  
世宗溫文著性三善有聲四國無競嗣德方衰  
時唯介弟景祚云及多難攸啓載驅軫轄高闕  
代邸庶辟欣欣威儀濟濟亦旣負宸言觀帝則  
正位恭已臨朝淵嘿虔思寶締負荷非克敬順  
天人高遜明德西光已謝東旭又涼龍燄夕儼  
葆挽晨鏘風搖草色日照松光春秋非我晚夜  
何長

鬱林王墓銘

綠車旖旎翠綦掩映  
葵貳戲良臨祧弛威毀德  
歸桐葉尊居鄭

祭文

祭大雷何周二神文

大過在運小雅盡缺瓊鏡日淪金車未晰周生  
電斷神謨英冠正因部奇風歛雲散晉德如燬  
功資叶贊山無猛鷲時曠忠賢流王于薤龜鼎  
忽焉忠肅布衣君親自然驅狐上國斬鯢中川  
紛綸凱入氛氲配天

爲隨王東耕文

穀廬星景穡表蜡先八政奚首六府茲宣弊嗟  
非國登頌有年一夫或怠望歲誰天

爲諸姊祭阮夫人文

婉婉嬪德幽閑嬪性眇史弘箴陳詩陳詠嘉言  
足題清暉可映契闊未幾音塵如昨巾景遽傾  
芳木先落疇昔交觴享也虛薦帶上先結握中  
遺扇遶淚失聲潺湲如霰

附錄

謝朓傳

梁蕭子顯

謝朓字玄暉陳郡陽夏人也祖述吳興太守父  
諱散騎侍郎朓少好學有美名文章清麗解褐  
豫章王太尉行參軍遷隨王東中郎府轉王儉  
衛軍東閣祭酒太子舍人隨王鎮西功曹轉文  
學子隆在荊州好辭賦數集僚友朓以文才尤  
被賞愛流連晤對不捨日夕長史王秀之以朓  
年少相動密以啓聞世祖敕曰侍讀虞雲自宜



恒應侍接朐可還都朐道中爲詩寄西府曰常  
恐鷹隼擊秋菊委嚴霜寄言尉羅者寥廓已高  
翔遷新安王中軍記室尋以本官兼尙書殿中  
郎隆昌初敕朐接北使朐自以口訥啓讓見許  
高宗輔政以朐爲驃騎諮議領記室掌霸府文  
筆又掌中書詔詰除祕書丞未拜仍轉中書郎  
出爲宣城太守以選復爲中書郎建武四年出  
爲晉安王鎮北諮議南東海太守行南徐州事  
啓王敬則反謀上甚嘉賞之遷尙書吏部郎朐

上表三讓中書疑肫官未及讓以問祭酒沈約  
約曰宋元嘉中范曄讓吏部朱脩之讓黃門蔡  
興宗讓中書竝三表詔荅具事宛然近世小官  
不讓遂成恒俗恐此有乖讓意王藍田劉安西  
並貴重初不自讓今豈可慕此不讓邪孫興公  
孔顗並讓記室今豈可三署皆讓邪謝吏部今  
授超階讓別有意豈關官之大小擣讓之美本  
出人情若大官必讓便與詣闕章表不異例旣  
如此謂都非疑肫又啓讓上優荅不許肫善草

隸長五言詩沈約常云二百年來無此詩也敬  
皇后遷祔山陵肫撰哀策文齊世莫有及者東  
昏失德江柘欲立江夏王寶玄末更回惑與弟  
祖密謂肫曰江夏年少輕脫不堪負荷神器不  
可復行廢立始安年長入纂不乖物望非以此  
要富貴政是求安國家耳遙光又遣親人劉渢  
密致意於肫欲以爲肺腑肫自以受恩高宗非  
渢所言不肯荅少日遙光以肫兼知衛尉事肫  
懼見引卽以柘等謀告左興盛興盛不敢發言

柘聞以告遙光遙光大怒乃稱勅召朏仍回車  
付廷尉與徐孝嗣柘暄等連名啓誅朏曰謝朏  
資性險薄大彰遠近王敬則往構凶逆微有誠  
効自爾昇擢超越倫伍而豁豁無厭著於觸事  
比遂扇動內外處處姦說妄貶乘輿竊論宮禁  
間謗親賢輕譏朝宰醜言異計非可具聞無君  
之心旣著共棄之誅宜及臣等參議宜下比里  
肅正刑書詔公等啓事如此朏資性輕險久彰  
物議直以雕蟲薄伎見齒衣冠昔在渚宮構扇

蕃邸日夜從諛仰窺俯畫及還京師翻自宣露  
江漢無波以爲已功素論於茲而盡縉紳所以  
側目去夏之事頗有微誠賞擢曲加踰邁倫序  
感悅未聞陵競彌著遂復矯構風塵妄惑朱紫  
詆貶朝政疑問親賢巧言利口見醜前志涓流  
纖孽作戒遠圖宜有少正之刑以申去害之義  
便可收付廷尉肅明國典又使御史中丞范岫  
奏黜朮下獄死時年三十六朮初告王敬則敬  
則歟爲朮妻常懷刀欲報朮朮不敢相見及爲

吏部郎沈昭畧謂朐曰卿人地之美無忝此職  
但恨今日刑于寡妻朐臨敗歎曰我不殺王公  
王公由我而死

謝朓傳

唐李延壽

朓字玄暉少好學有美名文章清麗爲齊隨王子隆鎮西功曹轉文學子隆在荊州好辭賦朓尤被賞不捨日夕長史王秀之以朓年少相勸欲以啓聞朓知之因事求還道中爲詩寄西府曰常恐鷹隼擊時菊委嚴霜寄言尉羅者寥廓已高翔是也仍除新安王中軍記室朓牋辭子隆時荊州信去倚待朓執筆便成文無點易以本官兼尚書殿中郎隆昌初敕朓接北使朓自

以口訥啓讓見許明帝輔政以爲驃騎諮議領  
記室掌霸府文筆又掌中書詔誥轉中書郎出  
爲晉安王鎮北諮議南東海太守行南徐州事  
啓王敬則反謀上甚賞之遷尚書吏部郎朏上  
表三讓中書疑朏官未及讓以問國子祭酒沈  
約約曰宋元嘉中范曄讓吏部朱脩之讓黃門  
蔡興宗讓中書並三表詔荅近代小官不讓遂  
成恒俗恐有乖讓意王藍田劉安西並貴重初  
自不讓今豈可慕此不讓耶孫興公孔頴並讓



記室今豈可三署皆讓耶謝吏部今授超階讓  
別有意豈關官之大小撝謙之美本出人情若  
大官必讓便與請闕章表不異例旣如此謂都  
非疑肫讓復荅不許肫善草隸長五言詩沈約  
常云二百年來無此詩也敬皇后遷祔山陵肫  
撰哀策文齊世莫有及者東昏失德江祏欲立  
江夏王寶玄末更回惑與弟祀密謂肫曰江夏  
年少脫不堪不可復行廢立始安年長入纂不  
乖物望非以此要富貴只求安國家爾進光又

遣親人劉渢致意於朐朐自以受恩明帝不肯  
荅少日遙光以朐兼知衛尉事朐懼見引卽以  
祏等謀告左興盛又說劉暄曰始安一旦南面  
則劉渢劉晏居卿今地但以卿爲反覆人爾暄  
陽驚馳告始安王及江祏始安欲出朐爲東陽  
邵祏固執不與先是朐常輕祏爲人祏常詰朐  
朐因言有一詩呼左右取旣而便停祏問其故  
云定復不急祏以爲輕已後祏及弟昶劉渢劉  
晏俱候朐朐謂祏曰可謂帶二江之雙流以嘲

弄之祔轉不堪至是構而害之詔暴其過惡收  
付廷尉又使御史中丞范岫奏收肫下獄死時  
年三十六臨終謂門賓曰寄語沈公君方爲三  
代史亦不得見沒初肫告王敬則反敬則女爲  
肫妻常懷刀欲報肫肫不敢相見及當拜吏部  
諫挹尤甚尚書郎范縝嘲之曰卿人才無慙小  
選但恨不可刑于寡妻肫有愧色及臨誅歎曰  
天道其不可昧乎我雖不殺王公王公因我而  
死肫好獎人才會稽孔顗粗有才筆未爲時知

孔珪嘗令草讓表以示朏朏嗟吟良久手自折簡寫之謂珪曰是子聲名未立應共獎成無惜齒牙餘論其好善如此朏及殷淑素與梁武以文章相得帝以大女永興公主適叔子鈞第二女永世公主適朏子謨及帝爲雍州二女並暫隨母向州及武帝卽位二主始隨內還武帝意薄謨又以門單欲更適張弘策子策卒又以與王志子謹而謨不堪歎恨爲書狀如詩贈主主以呈帝甚蒙矜歎而婦終不得還尋用謨爲信

安縣稍遷王府諮議時以爲沈約早與朐善爲  
制此書云

傷謝朓

梁沈約

吏部信才傑  
文峰振奇響  
調與金石諧  
思逐風雲上  
豈言陵霜質  
忽隨人事往  
尺璧爾何冤  
一旦同丘壤

板橋浦汎月獨酌懷謝朓 李白

天上何所有  
迢迢白玉繩  
斜低建章闕  
耿耿對金陵  
漢水舊如練  
霜江夜清澄  
長川瀉落月  
洲渚曉寒凝  
獨酌板橋浦  
古人誰可徵  
玄暉難再得  
灑酒淚填膺

謝朓樓餞別

唐李 白

蓬萊文章建安骨中間小謝又清發俱懷逸興  
壯思飛欲上青天覽日月

謝公宅

唐李 白

青山日將暝寂寞謝公宅竹裏無人聲池中虛  
月白荒庭衰草徧廢井蒼苔積惟有清風閑時  
時起泉石

謝公亭

唐李 白

謝公離別處風景每生愁客散青天月山空碧

水流池花春映日窓竹夜鳴秋今古一相接長  
歌懷舊遊

疊嶂樓

唐李白

江城如畫裏山晚望晴空雨水夾明鏡雙橋落  
彩虹人煙寒橘柚秋色老梧桐誰念北樓上臨  
風憶謝公



遺事

謝朓嘗宿衛過候江革見革弊絮單席脫所著  
襦并手割半氈與革克臥具而去

梁書

劉孝綽無所與讓惟服謝朓詩常以謝詩置几

案間動靜輒諷咏

太平廣記

謝朓爲宣城內史每視事高齋吟嘯自若而郡  
亦告治初朓嘗有言烟霞泉石惟隱遁者得之  
宦遊而癖此者鮮矣及領宣城境中多佳山水  
雙旌五馬遊歷殆盡風流文采颺炳一時人至

今稱謝宣城云

郡志

謝玄暉愛青山之勝有終焉之志遂室其南今  
保任觀是也唐天寶間易名謝公山山椒有謝  
公池其麓有謝公井

太平府志

集評

梁高祖絕重謝朓詩嘗曰不讀謝詩三日覺口

臭談藪

謝朓沈約之詩任昉陸倕之筆斯文章之冠冕

遂作之楷模

梁簡文與  
湘東王書

謝朓詩其源出于謝混微傷細密然奇章秀句  
往往警邁足使叔源失步明遠變色善自發詩  
端而末篇多躓此意銳而才弱也至爲後進士  
子之所嗟慕朓極與余論詩感激頓挫過其文

詩品

李太白登華山落鴈峰嘆云恨不攜謝朓驚人

詩來搔首問青天耳

語林

謝康樂一字百煉乃出冶玄暉尤麗密謝朓詩  
如大江流日夜客心悲未央金波麗鵠鵲玉繩  
低建章如白日麗飛甍參差皆可見餘霞散成  
綺澄江淨如練皆吞吐日月摘躡星辰之句存餘

堂詩話

江左諸謝見文選者六人希逸無詩宣遠叔源

有詩不工今取靈運惠連玄暉詩合六十四篇  
爲三謝詩詩至玄暉語益工然蕭散自得之趣  
亦復少減漸有唐風於此可觀世變也

唐子西  
語錄

謝朓之作如西山清曉霏藍翕黛之中時有爽

氣

竹林  
詩話

玄暉不惟工發端撰造精麗風華映人一時之

傑青蓮目無往古獨三四稱服形之詞詠

菴苑  
卮言

謝玄暉靈妙之心英秀之骨幽恬之氣俊慧之  
舌一時無對似撮康樂淵明之勝而似皆有不

敵處曰厚然是康樂以下諸謝以上

歸詩